

寓意編

特別  
15  
1850  
3





寓意編



010186008974  
49-2395



鐵網珊瑚卷之五

明太僕少卿吳郡都穆



寓意

李少卿貞伯藏懷素酒狂帖後楊凝式鑒定有王晉卿跋山谷題名是光福士人家物非真蹟睢陽五老圖在崑山朱氏朱蓋五老之一兵部郎中貫之後御史天昭出以示余圖有錢明逸序歐陽公司馬公而下詩皆不存今存惟南宋元人題跋

常熟劉以則家藏有小李將軍落照圖

此宋秘府物藏于崑山道士黃玄微家永樂中人有疾玄



微者具告其收買黃子澄畫蓋幾至不測為此圖也後劉氏購得之

以則又藏釋夢休鳳竹圖

六字宋徽宗御題有內府圖書趙雍題名

張長史宛陵帖

李西臺蘇才翁跋江陰下氏物非真物也

胡瓌番騎圖

沈啓南藏

郭忠恕雪霽江行圖

上有徽宗御書雪霽江行圖郭忠恕真蹟十字

謝康樂半身像

碧玉冠氅衣

蘇滄浪蔡端明蘇文忠文定山谷海岳諸賢遺墨共

一冊

宋人摹周文矩宮中圖一卷

有紹興間張澹崖跋山谷書老杜律詩二首大真字

王文正秦淮海米海岳樓玫瑰楊慈湖諸賢手帖一

卷

蘇文忠前後赤壁賦李龍眠作圖

隸字書旁註云是海岳筆共八節惟前賦不完



龍眠畫女孝經四章每章龍眠書

林和靖畫僧二帖

蔡端明自書絕句詩

海岳自書詞一卷

蔡蘇黃米真蹟一卷

李文定張忠獻忠簡呂忠穆李莊簡五賢手札一卷

張忠獻父子與虞丞相劄子

山谷書馬伏波廟詩一卷大字山谷自有跋

趙子昂臨伏生授書圖

白描

鄧侍郎程雪樓徐子方盧疎齋諸公詩

趙子昂秋江待別圖

青綠長幅旁細書官銜云爲叔固公墓李叔固也上有張伯雨詩常熟陳元錫家物後丹客得之以售郡人沙生今二十五年歸洞庭人家

宋陳居中蘇李泣別圖

李廸猿三幅

居中番馬圖皆南京人家藏

湯叔雅霜入千林圖一卷

前梅後蘭在皇甫氏家叔雅自題其後云余作此圖七載而就所謂能事不受相促迫也



崑山黃應龍藏吳傳朋游絲詩

宋高宗賜岳武穆手詔近被人竊去

金顯宗雨竹上有張疇齋跋

鍾元常薦進吳季直表上有畫錦堂米芾買似道等  
元人跋云是宋僧存此物又薛紹彭四帖皆城西

張氏藏

元張伯雨藏

趙松雪金孫璧跋後伯雨歸倪雲林二物今在石田翁家  
李少卿近跋鍾書定爲真蹟余不敢以爲然也

宋廸瀟湘八景圖

每幅有印文曰雲谷室

宋徽宗畫猫

上書賜貫有御印蓋徽宗書以賜貫者

東坡笠屐圖 小軸

以上三軸畫雍熙寺僧藏秘而不以示人余嘗讀書寺中  
屢懇于僧故獲見之

宜興尹氏藏褚謨禱帖

中縫折處鈐墨寶小印後有翰林學士承旨中書舍人蘇  
易簡詩云有若像夫子尙興闕里門虎賁狀中郎猶傍文  
舉尊昭陵自一闕真蹟不復存余今獲此本亦可比璵珉



後有范文正蔡君謨裴煜馮當世跋富鄭公梅都官呂汲  
公蘇氏兄弟米海岳諸公題名小米鑒定此卷後歸陳祭  
酒没于火

朱性父藏老米帖

臨黃庭經今歸石田翁虞丞相允文手帖今歸黃應龍又  
曰虞文靖公正書金剛經一卷

寧波人謝某藏

文丞相書其遠祖敬川先生論蘇章事并丞相跋約行草  
千餘字稱後學文天祥書無印章後有王伯厚題語

吳江吏史明古藏

唐趙謨集晉字千文 褚河南書文皇哀冊硬黃紙米友

仁鑒定 歐陽率更夢奠帖行書疑是臨本 元郭昇天

錫藏後入楊東里家郭楊皆有跋 陸混昭君圖

僧巨然山水大幅

韓熙載夜宴圖

宋蔡端明八帖洪興祖范大年跋胡程等題名

宋賢諸帖一卷李西臺周益公胡邦衛文文山而下凡十  
八人 李龍眠九歌圖一卷 正佚老二帖大行字

宋人畫文姬

朱文公與六十郎帖行書

貢尚書楊鉄崖跋 宋孝宗賜虞丞相手詔

趙千里福祿壽三星大長幅

千里春江待渡圖 小  
幅



郭熙祝壽一望松圖長幅 趙子固書梅竹詩三首  
趙子昂葉士則等跋 陳居中五馬圖

元張師道木蘭花漫詞一卷後元人題識

錢舜舉垂絲海棠又班姬題扇圖舜舉自賦詩其上

子昂臨大令帖并自書詩一卷 又書歸去詞一卷鮮魚

伯機自書詩文一小卷有郡人龔肅子敬跋

子昂人馬圖自有跋并元人詩跋 子昂秋江煙靄圖

溫日觀葡萄 黃大癡溪山圖有王國器詞倪雲林跋

吳仲圭擬范寬雪峯蕭寺圖長幅

周伯溫書四體于文一卷前畫伯溫小像門人蔣冕侍立

于傍自有贊蓋周公書以貽冕者冕吾郡人亦精篆書

史丈復有薛上功摹鐘鼎款識真蹟三十卷後題云

嘉熙三年冬十有一月望後二十一日外孫朝奉

郎新知臨江軍事楊伯岳拜觀于二十四叔外翁

書室後二十年弁陽周密得之外舅泳濟書房趙

孟頫鑒定白野不花周伯琦題名張伯雨柯九思

跋此帖舊有吾鄉沈雄仲藏雄仲名洪元巨室號

萬三 之后善草隸老而貧故史氏得之成化戊

申余授館于史氏九月其家火亡書畫多付煨燼

惟此帖及歐陽褚趙模書數卷獨存豈其寶鬼神



固衛之耶

東坡謝陳后山詩一首上有大方印曰趙郡蘇氏

江陰薛堯卿藏

文潞公半身像 周元公半身像 文文山半身像上有

吳孟思篆書文山自贊 倪雲林小像坐林上憑几左一

童子捧朱拂右侍姬提盥頰之器以上四像觀于濂溪坊周氏

南京梁中書藏

陸宣公書陸士衡文賦小草書余未曾見

劉僉憲廷美藏

僧巨然赤壁雪屋會琴二圖有金趙間諸人詠又高克明

山水一卷宋秘府物今皆歸沈氏蓋僉憲長子石翁之姊夫也

鄭所南墨蘭自題詩云一國之香一國之傷懷彼懷王于楚有光所南宋太學生而不仕元畫蘭獨不畫土人間其故答曰土為番人奪去近朱堯民與余觀于夏侯橋沈氏堯民云是韓蒙庵故物

松江人携示陸放翁自書詩一卷

大行書詩凡七首今見其集中字畫遒勁山陰杜思永跋馬主事仰之藏

顏魯公爭坐位帖上有賈似道印在元人袁文靖公家公



跋云坐位帖真蹟在京兆安氏嘗刻以傳世吳中復守永興謂安氏石本未盡筆法因再摹刻安氏分析後坐位帖乃剖爲二此帖至僕射指下平分爲兩以石刻較之正居其半蘇公見安師文時帖尙全嘗手榻數十本書遂大進余嘗得蘇公之榻本無毫髮失真米襄陽少年亦嘗臨之此卷筆法絕類米老往見乞米帖于子昂子昂以重價得之心有疑而不敢言今得此帖紙色行墨絕相類遂定爲米老所臨無疑至治二年秋七月桷記復書云余歸真後蘇本付瓊米本付瑾以免安氏兄弟之誚按米氏書史云爭坐位帖在顏最爲傑出年少時臨一本不復記知所在

後二十年謝景溫尹京時大豪郭氏分內一房欲此帖至析八百千乃許取視之縫有元章戲筆字印中間筆氣甚有如余書者面諭之乃世家收之不以公言爲然觀袁跋及書此帖其真是耶

禹功畫梅趙子固跋并元人詩跋共一卷袁泰戒卿新收云宜興寺僧物也

崑山項方伯家藏朱文公李泰發二帖泰發名光宋叅知政事卒諡莊簡後人跋其帖見以光字遂以爲司馬公筆可發一笑

史文新收顏魯公劉中使帖凡四十一行白湛鮮于樞田



師孟跋是嘉興物

盧廷璧藏

小李將軍踏錦圖長幅上有思訓小字 范寬臨落照圖

文與可墨竹三幅絹攢上有大方印曰文同與可

米元暉湖山煙雨圖一卷有元暉自題黃松瀑戴九多詩

跋今歸袁戒卿 金王黃華書絕句詩一卷凡七首大

行書廷璧嗜茶成癖號茶庵嘗蓄元僧詎可 茶具十事

時具衣冠拜之

杭州董氏藏

龍眠西園雅集圖一卷 着色

好事家藏

馬遠畫宋南熏殿屏幃淺色皆許國用說國用亦杭人親見之也

裱褚孫生家有人寄賣三官像三幅每幅下有大方印曰

姑蘇曹廸孫生嘗求鑒于石田翁翁曰此李嵩筆曹氏蓋

收藏者又元初人臨闔立本水月觀音像一軸上有馮海

粟詩跋與三官像皆索價太高經年不售 老米朱樂

圃墓表一卷非真蹟是劉以則家物今在吳江張氏

王醫士家藏

世藏其遠祖唐水部郎中榮未著作先生蘋畫像著作程



門高第也 又藏老米苕溪春曉圖 燕穆之楚江秋晚圖皆妙

劉僉憲家藏

宋黃巖叟李樂庵梁克家趙令時范石湖李泰發諸賢手帖一冊

海門張黃門靜之藏

顏魯公祭姪文 臬卿子 史文親嘗為予說者

黃太癡天池石壁圖真本在石處士夢賢家上有柳道傳詩下有錢翼之收藏印 又王叔明岱宗密雪圖亦陳氏物近二十年歸嘉興姚御史已遭回綠

陳惟允仙女圖 青綠 有倪雲林跋相傳惟允畫以壽潘左丞者左丞張士誠姊婿惟允時為張氏參謀且左丞客也

又惟允溪山秋霽圖一卷後元人詩跋甚多皆陳氏藏蓋孟賢惟允諸孫云

遼東蕭黃門文明藏

宋錢文僖鄒忠公張伯雨而下二十一帖李少卿嘗為郎中奉使湖湘道過江西于石亭寺僧處得山谷草書一卷後有山谷真字跋紙墨如新余生平閱黃書頗多此其最也 張伯雨自書詩五十五首後人裱為二冊題跋一冊楊廉夫而下共十五人常熟劉氏物今歸袁戒卿



宋人雙鈎唐摹本蘭亭有陳氏寶藏漢中趙氏印朱堯民藏今屬他姓

小米山水橫軸

在陳湖陳大理家上題云霄壤千千萬萬山東南勝地孰躋攀古人作語詠不得我寓無聲縑楮間紹興己未除守瑯琊待次中江寓居大姚村卽妹家戲作城中沈氏嘗有大姚江圖亦小米筆成化壬寅爲中官取去江貫道百牛圖一卷上有虞伯生鄧文原諸公題跋昔曾見于鄧尉山中寺僧家今爲陽山顧大有家藏賣畫孫生持示元李雪庵絹書唐人絕句詩四軸其字大

可數字似學顏魯公惜無神氣

宜興徐閣老藏東坡乞居常州奏狀小謝來伯跋徐公嘗以李少卿所藏楚頌與此帖共摹刻石

王叔明摹王維劍閣圖小幅甚佳在張太守起韶家藏

李少卿有文與可畫竹上坡翁詩二律後元人跋

宋陳亞之自書詩一卷亞之後山祖司馬公蘇氏兄弟跋王廷槐藏

侍郎吳公原博藏

唐林藻深慰帖宋秘府物 五代胡瓌番族圖

唐周文矩詩意圖 宋許道寧溪山風雨圖



宋人畫聚禽圖後有紹興小印 宋人畫德星圖後有

朱子門人胡泳跋宋末藏周公謹家

宋錢舜舉秋巖行旅圖 元趙子俊蕭翼賺蘭亭圖

無錫鄒氏藏

許道寧秋山晴靄圖元柯九思家物 李後主雀屏圖

後有宋人書及白樂天王荆公詩元滕王霄詞

楊儀部藏

楊致仕回已藏者贈之京師人矣 懷素草書千文一冊

顧少叅崇善藏云得之河南民家 易元吉猿

江陰葛維善藏

趙千里明皇幸蜀圖 小冊 五代楊凝式書神仙起居

法草字真蹟小米鑒定有永興節度使印及賈丞相悅生  
圖書

郡人王氏藏

范文正公書伯夷頌黃素紙小字宋元名人題識甚多世  
謂首陽之節韓子之文文正之書同為三絕范氏子孫嘗  
摹以刻石真蹟今存義莊

松江曹涇楊氏藏

唐韓幹神駿圖 南唐王濟翰勘畫圖上有李後主建

業文房之印宋御筆徽宗題及眉山兩蘇王晉跋



蔡蘇黃米真蹟一卷 宋徽宗翎毛寫意圖橫卷長幾一丈 宋陸放翁自書詩一卷 宋夏圭千巖兢秀圖 元錢舜舉竹溪六逸圖 元趙子昂袁安臥雪圖

郡人楊氏藏

南唐董源風雨起蟄圖宋秘府物嘗入賈丞相家

宋李嵩龍宮海藏圖 歐陽公寄蘇子美詩真蹟姚少師

跋

余家自高祖南山翁以來好蓄名畫聞之家君云妙品有吳道子魚籃觀音像 王摩詰輞川圖 范寬袁安臥雪圖惜今不存近所收有 唐人畫牛圖 滕王霄白廷王

詩 李昇畫楊通老移居圖 馬興祖胡人擊毬圖

胡人雪獵圖龍眠折桂榴花梔子小幅

龍眠畫君臣故實八事伯生跋 李唐春江不老圖小幅

上有雙龍瓢印 王珣蘆鴈 宋人畫福星圖皆往往

為好事者所得亦不留意也



鐵網珊瑚卷之五終



